

Ab. 127.  
29.



P O S I T I O N E S

*Disputationis sexta*

*De*

Q V E R E L A

I N O F F I C I O S I T E S T A -  
M E N T I E T H A E R E D I T A T I S

petitione, ex tit. 2. & 3. lib. 5. ff. & concord.

tit. 28. & 31. libri 3. Cod. de-

sumptæ

*Q V A S*

*Divina aspirante gratia*

*Sub Praesidio*

O R T O L P H I F O M A N N I

V. I. D. & P. P. P.

*Publicæ ventilationi ad 8. diem August.*

*hora locoq. consuetis*

*proponit*

I a c o b u s S t r a s s i u s A l l e r h e i m e n s i s

Suevus.

I E N Æ

*Typis Tobia Steinmanni, Anno 1599.*



5  
7

Veræ virtutis & eruditionis  
laude, ac variarum rerum usu præstantissimo viro, Dn. BALTHASARO STRASSIO, Illustris-  
simo ac Celsissimo Principis ac Domini, Dn. GEORGII  
FRIDERICI MARCHIONIS Brandenburgici, &c.  
in Monasterio Hailsbrunnensi Præfecto fidelissimo,  
cognato & patrono suo multis mo-  
dis colendo

*Exiguum hoc debite observantia symbolum mittit,  
offert, & dedicat*

Jacobus Strassius R.

---

Suo Jacobo Strassio



*Vo te noster amor coluit Themis æqua favore  
Sæpe, iterum sollers Strassius ecce colet,  
Ille tibi accendens solemnia thura, tuorum  
Cultorum in primis curat habere locum.*


*Hoc illi semper studium, hoc delectat, & ingens  
Te propugnandi in pectore cura sedet.*

*Fert oculis, Astræa, tuos, castissima, vultus.*

*Hoc quid pro cultu muneris ergo feret?*

*Quæ dat dona suo cupienti Nympha cupita,  
Daphnæa impediât ferta corona caput.*

Scribebat Laurentius Kuppelich.





I.



**N**officiosum testamentum definitur, quod certis personis immerito exheredatis contra officium pietatis factum videtur. Cuius impugnandi extraordinarium remedium, à jure civ. & prætorio profectum, est querela inofficiosi qua quis eiusmodi testamentum rescindi, sibiq; hæreditatem adjudicari petit.

lib. 3. c. 1. 28 f. 8  
subsidianum lib  
3. c. 1. 29 f. 20  
lib. 3. c. 1. 28 f. 3  
vid. d. 1. 28 f. 2  
Nepht d. 1. 28 f. 87

II.

Datur hæc querela primò omnibus liberis utriusq; sexus, etiam spuris in testamento materno. Non collateralibus nisi solis fratribus utrinque conjunctis vel consanguineis (non uterinis) uno casu, scilicet turpibus personis institutis.

lib. 3. c. 1. 28 f. 8  
Cui detur?  
d. 1. 28 f. 71  
In testamento  
militari d. 1. 28  
f. 144  
lib. 3. c. 1. 28 f. 161

III.

Quid si frater præteritus ipse sit turpis persona, an locus erit querelæ? Erit. Turpes autem personæ spurii non sunt. Imò ne facti quidem infamia eos laborare putamus.

d. 1. 28 f. 170  
d. 1. 28 f. 163

IV.

Secundo datur querela etiam parentibus immerito exheredatis à liberis, sive in potestate sive extraneam constitutis, modò ab intestato iis fuissent successuri. Excepto scilicet testamento quod fit de peculio castrensi.

d. 1. 28 f. 121  
2 sup

V.

Transmittitur hæc querela ad hæredes, ad suos quidem indistinctè, sive præparata sit sive non, ad extraneos non nisi præparata.

d. 1. 28 f. 44 2  
freq 133. 20

VI.

Conceditur contra hæredes omnes cujuscunque

Non y iuste p...  
hinc lib. 3. c. 1. 28  
Contra f. 3. c. 1. 28  
si dicitur p...  
con- quem.  
um universalem f. 13

lib. 3. c. 1. 28 fl  
11 289 Quando.

conditionis aut dignitatis, At non prius nisi adita sit hæreditas, unde & quinquennium quod instituendæ querelæ præscriptum est, ab adita hæreditate currit.

VII.

lib. 3. c. 1. 28 f  
135

Quibus incumbit probatio in actione querelæ? olim probare oportebat eum, qui querelam instituebat, Hodie secus est ex Nov. 115.

VIII.

Sup. m. 107 mfl  
th. 18 lit e

Causam querelæ præbet injusta exhæredatio, Vnde quæritur, an ob causas æquè graves vel graviores, quàm quæ in Nov. 115. comprehensæ sunt, Exhæredatio fieri possit? N.

IX.

Num justè exhæredari filia possit, si absq; consensu patris nubat questionis est? Dist. Nam si turpi se junxit potest aliàs secus. Quid si pater sit orthodoxus filius v. pontificius, an exhæredationi locus erit? N.

X.

Effectus.  
lib. 3. c. 1. 28 f  
5 tota mfl in no  
reymia fl. 87  
161

Ad effectum querelæ pertinet, quod testamentum inofficiosum hodie tantum quo ad institutionem rescinditur, reliquis articulis salvis, d. 1. 28 f. 17

XI.

Contraria.  
ch dicitur p. scriptor  
quy non in lib. 3. c.  
1. 28 f. 40 41

1. Eliditur querela, si legitima relinquatur, vel tota vel pars eius. Debetur autem legitima in linea recta jure naturæ; in transversali mera juris civ. dispositione, Vnde illa statuto minui tantum, hæc etiam tolli potest. XII.

An verò negligentia heredis non conficientis inventarium sicut Falcidia; ita etiam Legitima amittitur? N. An petitio legitime tollitur quinquennio? Minimè. XIII.

lib 38 f. 4 p. d. p.

Quæ num titulo institutionis hodie relinquenda, dubitatur? Aff. Num & parentum legitima ita relinquenda? A, communiter. Lea

vid. lib 3. c. 1. 28  
f. 122

XIV.

Legitimæ augmentum etiam ad parentes trahi posse communiter putant, quod tamen ex æquitate magis quam Nov. dispositione admittitur, Sunt & qui idem ad fratres extendunt.

lib. 33 l. 2. pag. 13 pm d

d. t. 28 f 73

XV.

Minuit. Legitimam impense funeris, æs alienum, libertates; Non vero legata ad pias causas, non sumtus studiorum. Vnde nec sumtus à patre factos in honorem Doctoratus, Magisterii, aut nuptias filii filiave conferuntur.

d. t. 28 f. 181

lib. 3. c. t. 28 f 179 & 181

lib. 3. c. t. 28 f 176

XVI.

Dotes & donationes propter Nuptias num legitimæ imputentur disquiritur? Non, nisi ex donis paternis profectæ fuerint,

à patre legitimum de bonis

XVII.

Estq; legitima absq; omni onere liberis danda, ex quibus autē rebus relinqui debeat, quæritur? Ex ipsis bonis eam assignandam esse, nec pecuniam sufficere statuimus.

lib. 3. c. t. 28 f. 148. 151.

lib. 38 pm d l. 4 p 8 lib. 3. c. t. 28 f. 20

XVIII.

Æstimatur legitima tempore mortis testatoris, Hinc in vita patris illa liberis non debetur, nec cogi potest pater etiam prodigus, ut eam assignet, quod si spontè fecerit, pro quantitate bonorum etiam illa vel augebitur vel minuetur.

lib. 1506 fol. 91. n lib. 3. c. t. 28 f 55

XIX.

Postremò de legitima eiusve supplemento quæritur, qua actione peti possint? Illic datur petitio hæreditatis, actio utilis fam. etc. aut utilis ex testamento: hæc conditio ex L.

lib. 3. c. t. 28 f 183 & seq

XX.

Querela inofficiosa nil aliud in effectu est, quàm hæreditatis petitio, quæ definitur actio in re universalis, bonæ fid. quâ successor defuncti intentat adversus eum qui pro hærede vel pro possessore possidet. Hæ-

Querela est preparatoria actionis hereditatis lib De hæred. 3. c. t. 28 f. 211 pag. in



XXI.

Hæreditas alia civilis est, alia prætoria, Ex illa hæreditatis petitio civilis competit, ex hac prætoria seu possessoria.

XXII.

Vtraq; datur hæredi cuicunq;, sive ex testamento, sive ab intestato hæres sit, nec interest, an is successionis jus habeat per se, an per alios.

lib 3. c. t. 31 f. 7 Cui datur.

XXIII.

An & illi qui à fisco hæreditatem emit? Affirm.

XXIV.

Quicunq; a se ex testamento hæredem dicit, probare id debet per ostensionem testamenti non vitiosi: qui ab intestato, debet probare se proximum defuncti agnatum.

XXV.

Hinc quæritur, an actore probante, hoc vel illo modo se hæredem esse, insuper opus sit, id declarari sententia iudicis? A.

XXVI.

Datur hæc actio contra eos qui pro herede vel pro possessore possident.

lib 3. c. t. 31 f. 99 Contra quos.

XXVII.

Pro hærede possidere iis dicitur, qui ex justa causa possessionis se heredem esse putat.

d. t. 31 f. 100

XXVIII.

Pro possessore v. qui nullum possessionis suæ titulum allegare potest, nulloq; jure sciens hæreditatem apprehendit. Quibus annumerentur etiam ii, qui dolo malo possidere desierunt, aut liti se obtulerunt.

lib 3. c. t. 31 f. 104

XXIX.

E contrario, contra tit. & bona fide possidentem non datur hæreditatis petitio, sed rei vindicatio, quæ specialis in rem actio est, Hinc

d. t. 31 f. 73





## XXX.

Hinc quæritur, an contra eum qui tit. per se iustum habet, & bona f. à se partum, sed ob aliquam causam iniustum, puta, qui rem hæreditariam à furioso vel pupillo emit, quem sanæ mentis vel puberem esse putabat, hæreditatis petitio detur? N.

## XXXI.

Porro datur hæc actio etiam adversus eum qui rem hæreditariam licet minimam pro hærede vel pro possessore possidet, Imò etiam adversus debitores hæreditatis, quatenus scil. respectu illius debiti se hæredes esse contendunt.

## XXXII.

Hic quæri potest, an adita hæreditate possessio simul apprehensa dicatur? possessio nisi naturaliter apprehendatur, nec ad suum quidem hæredem transit.

## XXXIII.

Veniunt in hanc actionem omnes res hæreditariæ & à defuncto possessæ, ipsi oppignoratæ, depositæ &c. Nec solum res & corpora, sed etiam actiones. *Materia. lib. 3. c. 1. 31 f. 9*

## XXXIV.

Vnde appositè quæritur, an actiones illæ hæreditariæ cum sua natura veniant: ut actio quæ infitiatione crescit? Et magis est, in simplum eam dari.

## XXXV.

Servitutes in restitutionem hæreditatis non veniunt, An & personales servitutes excipiuntur? Quoniam cum persona eius, cui debentur, extinguuntur, frustra de iis quæritur.

## XXXVI.

Num & feuda in hanc actionem veniunt? A. dummodo feudum sit hæreditarium, aut tota petatur feudalis successio.

In

XXXVII.

In restitutione rerum hereditariarum distinguitur b. f. possessor à m. f. possessore.

S  
P

lib. 3. c. 1. 31 f. 21

XXXIIX.

Ante lit. cont. nulla de re tenetur, nisi in quantum locupletior factus est, hinc queritur, an censeatur locupletior factus si interim patrimonium suum comparit? Disting. juxta l. 25. §. 16. ff. h. t.

XXXIX.

De tempore dubitatur, quodnam spectandum sit, ut quis dicatur locupletior? Rei judicatae.

d. 1. 31 f. 20

XL.

Post lit. cont. b. f. possessor, m. f. possessor fieri incipit, Sed quid si ante lit. cont. id ceperit scire, an statim pro m. f. possessore habendus erit? A.

XLI.

Tempore rei judicatae quicquid non solum b. f. sed & m. f. possessor possidet, petitori restituere debet.

XLII.

Malæ f. possessor tenetur quovis tempore, de omnibus rebus quas possidere aut acquirere potuit, si ve res extant si ve perierent.

XLIII.

Ultimo, omissa quaestione, num querela inofficiosa cum hered. petit. cumulari possit, de qua frustra investigatur, dispiciendum, utrum hereditatis petitio instituenda sit apud judicem domicilii Rei, an verò rei sitæ. Illud A.

S. lib. 3. c. 1. 28 f. 10  
et p. h. j. conu.  
ratio fore 7 ea 7 fabre  
cum. lib. 9. c. 8. n. 2. f. 10  
1010 frustra qui 22 conuaxionem  
q. in p. h. j. non imp. cum cur, cum  
had p. h. j. d. h. j. p. h. j. cum in in q. d. cum  
m. h. j. p. h. j. utar querela d. 1. 28 f. 10

FINIS.

Kc 3192

8<sup>o</sup>

(X2217985)

VO 12


MC





B.I.G.

Farbkarte #13



POSITIONES

*Disputationis sexta*

*De*

# QVERELA

## INOFFICIOSI TESTA- MENTI ET HAEREDITATIS

petitione, ex tit. 2. & 3. lib. 5. ff. & concord.  
tit. 28. & 31. libri 3. Cod. de-

*sumptæ*

*Q V A S*

*Divina aspirante gratia*

*Sub Præsidio*

### ORTOLPHI FOMANNI

V. I. D. & P. P. P.

*Publicæ ventilationi ad 18. diem August.*

*hora locoq. consuetis*

*proponit*

### Jacobus Strassius Allerheimensis

Sucus.

VIENÆ

*Typis Tobia Steinmanni, Anno 1599.*

